



COMUNU DE LÙVULA
(Provintzia de Nùgoro)

Si bandit su concursu fotogràficu Màzines de poesia

Editzione 2019

Su concursu est intro de su prozetu *Lùvula ti canto*, nd' est rispetosu e sicht sos inditos de su bandu-regulamentu de su Premiu de poesia omònimu.

ISETOS DE SU CUNCURSU

- mandare a daennantis su Premiu de poesia *Lùvula ti canto 2019*;
- tzintzigare sos sardos chi agradèschent su de comunicare chin sas màzines fotogràficas sos sentitos chi naschint abaitànnne sos locos, a pònnere in fotografias sas màzines fatas chin sos versos dae sos poetas binchitòres de su Premiu *Lùvula ti canto 2019*;
- imprentare cartolinas ponende impare màzines fotogràficas e poesias, a manèra chi crescat su sensu de ambas, pro contare e fàchere connòschere sa'idda de Lùvula;

1^a setzione
Mannos

1^u classificatu
€ 400
2^u classificatu
€ 300
3^u classificatu
€ 100

REGULAMENTU Sos premios

1^u classificatu
€ 150
2^u classificatu
€ 100
3^u classificatu
€ 50

2^a setzione
Minores

- Sos premios ant a essere in dinari (bi sono de fàchere sas ritenutas de sa leze) o in donos e s'ant a dare petzi si a cata setzione b'ant a partetzipare nessi 7 cuncurrentes;

- su cuncursu est abertu a totu sos residentes in Sardigna chi ant sa passione (non su mestieri) de sa fotografia; a sa setzione *Minores* poten partetzipare sos pitzinno dae sos 9 a sos 15 annos, a sa sola o comente classe de iscola elementare o media;

- pro leare parte a su cuncursu tocat de s'assentare. Su mòdulu cheret irgarrigatu dae su situ istituzionale de su Comunu de Lùvula o picatu dae sa segreteria de su Premiu *Lùvula ti canto* (telefono e mail sono iscritos in fundu), a uve, a pustis chi siat cumpilatu a dovere, tocat de l' imbiare o vature, **intro de lunis 29.07.2019**;

- **Intro de mercuris 31.07. 2019**, a sos fotografas iscritos cuforma a sas regulas lis ant a essere cunsignatas, in sa segreteria de su Premiu (Biblioteca Cumonale), sas poesias chi los devent ispirare a fàchere sas fotografias in Lùvula (o in su sartu suo); sas poesias ant a pòtere essere finas imbiatas pro mail a sos indiritzos datos;

- in su mòdulu pro s'assentare sos partetzipantes s'impignant a non fàchere lèghere a niune sas poesias chi dèvent retratarse. Pro sos Minores l'ant a dèvere fàchere sos babbos o sa mammas o chie nde tenzat sa potestate;

- a bi leare parte non si pacat. Sas fotografias potent essere presentàtas petzi dae sos autores chi deccràrant e garàntint, ponèndelu pro iscritu, de nde àere totu sos derètos e, chin sas matessi (fotografias), de non themare sos derètos de àtere e de non violare sas lèzes chi sono in vigore. Pro sos Minores l'ant a fàchere sos babbos o sa mammas o chie nde tenzat sa potestate;

- leande parte a su cuncursu, onzi autore liberat su Comunu de Lùvula dae totu sas responsabilitates de cale si siat zenìa e finas dae sos dannos morales o materiales chi potant cumbinare dae sas màzines presentatas;

- onzi fotografu mannu devet produire **3 màzines** (una pro cata poesia chi at bintzu sa 1^a sez. de su Premiu); onzi minore, imbetzes, devet produire **1 màzine** (chi retratet una poesia dae sa 3^a sez. de su Premiu chi at vintzu). Sas fotografias cherent tiratas dae pacu tempus (intro s'urtimu annu), mai pubblicatas in peruna manera e mai premiatas; de plagios o declaratziones farsas (s'essèret chi bi nd'apat) nd'ant a rispondere sos autores o chie nde tenzat sa potestate;

- sas fotografias retzitas non s'ant a torrare, ma ant a abarràre pro semper a su Comunu de Lùvula (Biblioteca Cumonale), chene chi si bi potat arrejonare o dare orta, e ant a pòtere èssere impreatas pro mustras o àteros isètos culturales, finas pro las publicare, chene perunu derètu o paca pro sos autores, ma su nùmene issoro at a èssere semper mentovatu;

- Cata fotografia cheret imbiata siat **in papiru** pro fotografias (**2 copias** formatu 10x15 e **1 copia** formatu A4 pro cata màzine), siat in digitale (**in JPEG pro ambos formatos**). Non s'ant a atzetare fotografias imbiatas in posta elettronica o in àteras maneras diferentes dae sas inditatas. Sas fotografias cherent chin una definitzioone chi permitat a las irmannire e a las projetare in dunu muru (largaria 2800, risoluzione 300 dpi) e devent retratarse sos versos cunsignatos;

- sos cuncurrentes pòtent imbiare a su cuncursu (in prus) finas fotografias agherethàtas chin fotomontagios o ateros maniestos, che su de bi iscriere sos versos in supra, ca ant a èssere mustras de zenias de cartolinas. Si ant a detzidere de gai, de sas màzines in formatu 10x15 ant a dèvere presentare finas sas copias acontzas: 2 in papiru, e su digitale. Su formato A4 non si potet agherethàre;

- a sos chi ant a bìnchere si lis at a potere dimandare de imbiare sas fotografias premiatas in formatu TIFF o, pro non ch'essere bocatos a foras de su cuncursu, finas de dare àteras informatziones, **s'essèret chi sèrvant pro sa premiatziona**;

- a zdissu insindacabile de sa giuria, no ant a essere picàtas in cunsidèru sas màzines de temas fora de sos inditatos, chi non sient dignos o chi ofèndant o 'egliant sa bidda o sos retratatos o chi sa giuria cunsidèret de no atzetare ca non b'intrant nudda chin sos isetos de su cuncursu.

- Pro imbiare sas òperas bi cherent duas bustas de mannària diferente:

In sa busta minore tocat a bi pònnere :

- ♦ unu fozu in uve bi siant iscritos su nùmene e sambenatu de su cuncurrente, s'indiritzu, su numeru de telefono (finas tzellulare), s'indiritzu e-mail e, in prus, su titulu de cata fotografia, su locu e sa data pretzisa chi est istata tirata e sa descritzione sua;
- ♦ Una liberatoria aposita (si nche ritirat in sa segreteria de su cuncursu), iscrita a dovere e firmata, in uve chie partetzipat (pro sos Minores, chie pro issos) deccràrat e garàntit de tènnere totu sos derètos de sas màzines presentatas, de non themare sos derètos de àtere e de non violare sa lèze;
- ♦ Unu fozu in uve bi siat sa declaratzione sichiente firmata dae s'autore (o, pro sos Minores, dae chie pro issos): "Jeo sutaiscritu (inditare totu sos datos personales), permetto chi sos datos personales meos siant impreatos pro su contipizu e sas ativitates de su cuncursu fotogràficu *Màzines de poesia 2017* e de su Premiu de poesia *Lùvula ti canto* o, s'essèret chi si facant, pro m'imbiare bandos novos o publicare sas operas finas chin medios informaticos.

In sa busta manna tocat a bi pònnere :

- ♦ sas màzines (in sos formatos digitale e de papiru pro fotografias), chin sas titulos issoro, ma chene firmatas;
- ♦ sas copias de sas poesias retratadas, catauna paris chin sa màzine chi li pertòcat;
- ♦ sa busta minore, serrata, in uve intro bi siat totu su chi in supra est istatu natu de bi pònnere.

- Sos cuncurrentes devent imbiare o cunsignare a manu sas òperas issoro **intro de chenapura 14.11.2019** a sa Segreteria de su Prèmiu de Poesia "Lùvula ti canto 2019" - Cuncursu "Màzines de poesia" - Comunu de Lùvula (Biblioteca Cumonale), **carrera dei Mille, 08020 Lùvula (NU)**. S'at a cunsiderare su trimbu postale;

- Su de leare parte a su cuncursu est che a cunfirmare de connòschere e de atzetàre sas normas de custu bandu;

- Su Comunu de Lùvula at a numenare una giuria pro premiare sas menzus fotografias. Sa giuria no at a assignare premiu perunu si at a carculare chi sas òperas arribatas non nde siant dignas, o at a assignare mentziones si essèret chi b'apat fotografias chi lu meritant. Su chi at a detzidere sa giuria non s'at a pòtere cuntestare;

- Sos binchitores de su cuncursu e sos mentzionatos ant a dèvere partetzipare a sa tzerimonia de premiazione chi s'at a fàchere paris chin cussa de su Premiu de poesia, in una die de dispònere. Si essèret chi non pòtan (pro rejones provatas), nch'ant a pòtere ritirare sos premios àteras pessones in parte issoro (delegatas).

Si potet petire cale si siat informatziones o acraramentu a sa Segreteria de su Premiu: Comunu de Lùvula - Biblioteca Cumonale, tel.: 0784416894 - 0784417900 – cell.3475208742 - 3293559930; e-mail: luvulaticanto@gmail.com; Facebook: <https://www.facebook.com/Prèmiu-de-Poesia-Lùvula-ti-canto-212957032442612/>

Lùvula, su 10 de maju de su 2019

SU RESPONSABILE DE SU SERVITZIU
(Mario Calia)